

* * * * *

CLASSIS II.
PARTES ANIMALIUM.

I. VSITATAE.

Canis axungia.

Canis cauda recurua LINN. *syst. nat.* 8. animal quadrupes cicur.

Axungia emollit & discutit externe calide illita partibus tendinosis & nervosis contractis & induratis; vnde in contracturis artuum & rigiditate in specie vtilissima. Interne in casu ab alto ad sanguinem stagnantem dissoluendum & expectorandum, & in phthisi cum brodio calido cochlearis quantitate a plebe sumitur.

Castoreum.

Castor cauda ovata plana LINN. *Faun. Suec.* 23. animal quadrupes & amphibium, mansuetum, in Lapponia, Sibiria, Canada.

Folliculus est glanduloso membranaceus & pinguedine oleosa remixtus, grauis admodum odoris, qui dicto animali vtriusque sexus in regione inguinali sub cute protuberat *Comment. Ac. Petrop.* II. p. 414. *phil. Trans.* n. 430. *Act. Paris.* 1704. p. 48. Dentes iste folliculus solum in camino fumo siccat, sicque vsui medico aptus redditur. Anodyna & sedatiua virtute efficax praebet medicamentum, vnde in morbis conuulsivis, colica, hysterica passione frequentissimi vsus est a granis duobus ad decem. In conuulsionibus maxillae infantum laudat LENTIL. *Iatromn.* p. 307. in singultu TRALLIAN. etiam sub amuleti specie L. 7. p. 387. ad praecauendum abortum

FISCHER

FISCHER *Breslav. tentam. 5.* p. 1610. & GOHLIVS *Act. Berol. II. vol. x. 21.* ad paralyfin AETIVS *L. 6. c. 28.* in spasmodicis contractionibus a rigida & pluuiosa tempestate SCHVLZ *diff. de alterat. moment. §. 36.* Inter tremoris propria remedia numerat FORESTVS *L. 10. obs. 99.* Mirum effectum, quem BARTHOLINVS in vrinatore allegat; qui quod secum tuerit castoreum, ad abyssum maris inde pulsus fuerit, & consequentiam, quam inde elicit, quod castoreum fit remedium pellens, non credimus *Cent. II. obs. 17.* Neque adhuc certi sumus, an opii narcosin castoreum corrigat BAGLIV. p. 100. Ob foetorem e classe officinalium proscribendum voluit RIVINVS *diff. censur. medic. off. c. 2. §. 8.* & IVNKERVS quoque, cum praeceptore suo STAHLIO, odio illud habet, quod caput obnubilet, & angustias praecordiorum cum nausea inducat *Tab. theor. pract. xxix. caut. 35. & lxxxv. caut. 20.* Illud verum est, quod nonnullis hystericis aduersum fit; sed plurimos tamen solatur promte & secure, ita vt GOHLIVS sine castoreo in mulierum morbis curandis esse noluerit *Act. Berol. Dec. II. vol. X. 21.*

Cerui cornu.

Cervus cornibus ramosis teretibus incuruatis LINN. *Faun. Suec. 38.* animal quadrupes mansuetum.

Gelatinam contiaet, quae extracta acres humores temperat, calorem febrilem moderatur, & tabidis salubre medicamentum praebet. Propter terreas partes absorbet, sed magis vltum, quam sine igne praeparatum. Pleuritidem solo cornu cerui saepius curasse scribit a MOINICHEN *obs. 11.* Vim bezoarticam ab antiquitate effictam, nemo hodie credit.

Cerui seuum.

In emplastra & vnguenta vt consolidans, leniens, & digerens recipitur. Linteo exceptum, ad ignem liquidum

tum & gingiuis impositum, vermes dentium attrahere & dolores mitigare didicit ab empirico BARTHOLINVS cent. III. obs. 96.

Concha.

1. Ostrea GESN. *Aquat.* 2. p. 33. Concha testa subrotunda rugosa substriata, valuis inaequalibus cardine oblitterato LINN. *Faun. Succ.* 1338. Ostreum testa inferiore elatiore ARGENW. t. 22. 23.

2. Chama testis aequalibus conuexis hiantibus ARGENW. t. 24. Tegmina Zoophyti Tethys dicti lapidea; in Oceanis.

Testa puluerifata & super porphyrite praeparata acidum primarum viarum absorbet, siccatur, calorem febrilem temperat & sudorem mouet, dosi drachmae dimidia. Vsta & duplo pondere imminente paroxysmo data pro specifico contra tertianas febres commendatur a CROLLIO, *Specifici febrilis* titulo. Aqua calci recentis affusa lithontripticam virtutem insignem probatam dedit WHYTIO & ALSTONO, si quotidie ad libram vnā epotatur. Ingrediuntur etiam conchae vstae lithontripticum Anglicanum. Calce ostrearum e vino sumta hydrophobiam profligauit le COMTE *Mem. de l'ac. de Par.* 1749. *hist.* n. 4.

Hirci sanguis.

Capra ALDROV. *Quadr. bisule.* 619. Capra cornibus carinatis arcuatis LINN. *Faun. Succ.* 42. Animal quadrupes cicur.

Exsiccatus sanguis in clibano, deinceps in puluerem contritus et ex aceto aut aqua sumtus ad drachmam dimidiam, tanquam optimum resolutorium coagulati & stagnantis sanguinis in casu ab alto & in pleuritide laudatur. HELMONTIVS vero non alium hoc scopo voluit admitti, quam qui e testiculis casti & nigerrimi hirci praefectis
Vogel. Mat. Med. Z
efflueret

efflueret *Tr. pleur. furens*. Nihil vero quicquam nec hunc, nec priorem praestare in hoc morbo, TRILLERVS multoties in praxi obseruauit *de Pleur.* p. 48. Plebeii etiam ex aceto potant in subluxationibus dorfi. Alii olim ad dysenterias & contra calculum commendarunt, & ob insignem ubique efficaciam *Dei manum* vocarunt *MERCVRIAL. consult. & respons. IV. p. 14.*

Hirci seuum.

Discutit, lenit, & haemorrhoidum dolores sedat. Rhagades etiam, & excoriationes consolidat.

Hirudo.

Hirudo depressa fusca, margine laterali flauo LINN. *Faun. Succ. 1272.* Vermis aquatilis in aquis stagnantibus habitans.

Huius vermis, quem classe prima memorare oportuisset, vsus est externus in haemorrhoidum doloribus & haemorrhoidibus coecis, vbi ipsis illis varicibus, & in odontalgia, vbi temporibus applicatur: quod vero, quomodo fieri debeat, Chirurgia docet.

Mater perlarum.

Concha margaritifera BELLON. *Aquat. 402.* Concha valuis aequalibus inaequaliter, mediocriter, & leuiter umbonata LANG. *test. 69.* Testa vermis marini Indici; quae splendore & interna laeuitate margaritas aemulatur.

Acidum absorbet & feruorem febrilem leniter temperat. In officinis super porphyrite laeuigatur, & in cannulas formatum a Medicis cognomine *praeparatae* praescribitur.

Moschus

Moschus.

Animal moschiferum RAI. *Quadr.* 127. GMELIN. *diff.* Moschus LINN. S. N. 30. in China & Tartaria. Icon eius est in *Commerc. Nor.* 1736. p. 320.

Substantia est atro-fulca, granulata, fragrantissimi odoris, saporis subacris & amaricantis, folliculo coriaceo piloso inclusa, qui animali a ventre inter umbilicum & genitalia protuberat. Per totum corpus mirabili vi penetrat, & egregiam opem praestat in morbis convulsivis, ubi eius virtutem experti sunt IO. WALL. *Phil. Trans.* n. 474. FR. HOFFMANNVS *Med. syst.* T. IV. P. III. p. 25. DOM. GUSM. GALEATI *Commerc. Bonon.* III. Ill. v. SWIETEN *Comment.* III. qui cum octenni puellae epilepticae moschi decem grana repetitis vicibus per plures dies pulcro cum successu dedisset, salivam, sudorem & urinam moschum redolere observavit, ita ut nimia fragrantia non assuetis molesta redderetur haec aegrota p. 437. Qualem vero effectum mihi videre non contigit, licet per plures dies dosi duodecim granorum adhibuerim. Efficacissimum etiam praesidium est in convulsionibus, quae febribus acutis accedunt MEAD *Monit. & praec. med.* p. 21. & in mania, ubi laetos effectus viderunt GALEATI l. c. & van SWIETEN l. c. p. 524. nec non in malo hysterico tam externe LOWER *Arzeneybüchl.* p. 57. quam interne HORAT. AVGEN. *epist.* L. 12. REIN, SOLENAND. & hydrophobia MORANDO, qui ter feliciter eo usus est; & gravissima cardialgia PRINGLE *Neue Vers. einer Gesellsch. in Edinb.* II. n. 12. in cephalalgia GALEATI. Memorabile etiam est, quod usu eius interno a variolis praemuniri possint homines, ceu observavit Ill. ROSENIUS *diff. de variol. cur.* Flatus eum excitasse aliquando, & maiora damna maiori dosi ad grana duodecim observavit GALEATI l. c. Pulvis ille Tunquinensis, maximam suam virtutem, qua in effectibus morsus canis rabidi, in febribus malignis,

& inflammatoriis, inque maniacis melancholicisque affectibus valet, moscho debet. Solum moschi odorem mentes prouocasse annotauit TH. BARTHOLINVS *cent. II. hist. 87.* Et BRASSAVOLVS asserit, quod, si moschus cum oleo quodam componeretur, eoque virile membrum vngeretur, mulieres adeo in venerem proritet, vt variis & inusitatis motibus clunes moueant. Eius etiam odore, pergit, vterum mire trahi, proptereaque eius vsum in pessariis maximum esse, praesertim in vteri strangulatu *Exam. Symp. p. 32.*

Porci axungia.

Sus dorso antice setoso, cauda pilosa LINN. *Faun. Suec. 36.* Animal quadrupes cicur.

Emollit, lenit, & basin plurium vnguentorum & linimentorum constituit.

Sepiae os.

Sepia (corpore oblongo, depresso) LINN. *Faun. Suec. 1281.* Vermis zoophytus, marinus.

Os dictum in dorso tanquam scutum gerit vermis, quod ouale est, candidum, leue, vtrinque conuexum, saporis terreo-falsi. Insigniter acidum absorbet, siccatur, & adstringit: specialiter in fluore albo, gonorrhoea, & nimia vrinae acrimonia efficax est, dosi scrupuli vnus vel drachmae dimidia. Ad pulueres etiam dentifricios assumitur. Vsum contra strumas valet interne; externe vero ad vngues oculorum, & palpebrarum aspritudinem ad quam veteres vsi sunt (DIOSC. TRALLIAN. L. 2. c. 6.)

Tauri fel.

Bos cornibus teretibus flexis LINN. *Faun. Suec. 44.* Animal quadrupes cicur.

Liquor

Liquor saponaceus amarus, qui stimulat, abstergit, & resoluit, adeoque tam atoniae partium solidarum, quam morbis ex pituita medetur, & his, qui ab inertia bilis oriuntur, ut sunt febres intermittentes, affectio hysterica, icterus, hydrops. Oportet autem bilem inspissare, eamque nunc iterum aqua aut spiritu vini solutam dare, vel in minima catapotia redigere. Aluum etiam solvit, & vermes pellit. Externe in linimentum cum sapone veneto redacta, tumores frigidos resoluit HUFELAND *diff. de bilis interno & externo usu medico* p. 38. & in paralyfi artuum prodest *ib.* p. 39. pannos oculorum & maculas in cornea detergit, in surditate conducit.

Lucii piscis, carpionis, anguillae, & apri fel idem praestant, & commode priori substitui possunt.

Vaccinum lac.

Nutrit, lenit, atque demulcet. Vtilissimum est antidotum venenorum erodentium, quae non coagulant.

Vulpis pulmo.

Canis cauda recta, extremitate alba GMEL. Vulpes vulgaris. Fera quadrupes.

Exsiccat pulmo & intra anisi semen servatus, si devoratur, suspiriosos iuvat DIOSC. minus autem phthisicos, ut vulgaris opinio est, etiamsi combustus bibatur.

Zibethum.

Animal Zibeticum RAI. *Quadrup.* 178. Meles unguibus uniformibus, cinerea LINN. *Syst. Nat.* p. 6. Animal ferum, quadrupes: Indiam orientalem & occidentalem patriam habet. SARRAZINVS descripsit in *Act. Paris.* 1725.

Zibethum est substantia mollis, pinguis, ex luteo fusca, saporis sebacei, in recessu acris, odoris ambrosiaci, folliculo glanduloso membranaceo piloso inclusa, quem

animal vtriusque sexus inter genitalia & anum gerit. Aestiuo tempore alternis, hyemali quaternis diebus cochleari quodam paruo, huic operi adaptato, eximitur. Vfus duplex est: vel enim odoramentis solum atque balsamis additur, vel medicis intentionibus interne & externe inferuit. Interne quidem vnus vel duorum granorum pondere vt confortans exhibetur; externe vero in hysterica passione grauiore cum gossypio genitalibus immittitur; in colica vmbilico & ventri imponitur. Nonnulli expulsionem variolarum & morbillorum eo promouent. Impotentiae quoque virili succurrit, si coles ante congressum illinitur; foeminis vero maximam iucunditatem gignere obseruauit BORELLVS.

II. INFREQUENTES.

Alcis cornu & vngula.

Ceruus cornibus a caulibus palmatis LINN.*Faun. Suec.* 37. Alce, Lithuaniae & Moscouiae & Sueciae borealis syluas inhabitat.

In cornu quaerunt absorbentem, diaphoreticam, & antepilepticam virtutem; hanc vero maxime in vngula, siue deuorata ad scrupulum, siue appensa. Tota autem virtus innititur mendaci relatione de epilepsia, qua ipsum animal saepe tentatum, sibi ipsi vngula opem ferret, fricando ea auriculam. SWIETEN III. p. 494.

Anguillae hepar.

Anguilla LINN.*Faun. Suec.* 390. Piscis malacopterygius.

In partu difficili tanquam specificum commendatur a multis (HELMONT. *Tr. astra non inclinant.* §. 46.) dosi drachmae dimidiae vel integrae in vino vel iuscule exhibitum.

Anseris

Anseris axungia.

Anser domesticus GESNER. *Av.* 141. Anas rostro femicylindrico, corpore supra cinereo, subtus albido, rectricibus margine albis LINN. *Faun. Succ.* 90. Auis cicur.

Emollit, laxat, lubricat; contracturis medetur; fissuras labiorum, papillarum, & ani sanat; infantum ventribus illita tormina lenit, & aluum obstructam refert. SEB. ROTARIO pro remedio euporisto in molestiis catarrhalibus habet, si cum mercurio viuo digeratur, & pectori illinatur *Rimed. alle catarrali molestie.*

Apri dens.

Sus agrestis f. Aper RAL. *Quadr.* 96.

Absorbens medicamentum is constituit, sed longe minus efficax quam ostracea. Specificam virtutem in pleuritide & angina, quam multi ipsi adscripserunt, hodie negant omnes. Sed dentes saltem acuti, recurui, & extra os prominentes hic intelliguntur.

Cancrorum chelae.

Cancer brachyurus, mantium digitis atris LINN. *Faun. Succ.* Insectum apterum marinum.

Absorbendi virtute pollent praeparatae, ad drachmam dimidiam sumtae.

Cerui Priapus.

Specificum esse creditur in dysenteria. Commendatur etiam in dysuria, pleuritide, colica convulsiva, & scopo aphrodisiaco. Dosis est scrupulus vnus. Limatione & trituratione in pollinem redigitur.

Cochleae testae.

Cochlea Pomatia edulis Gesneri LISTER. *Exerc. anat.* I. p. 162. Cochlea testa ovata quinque spirarum, Pomatia dicta

dicta LINN. *Faun. Su.* 1293. in hortis aestate frequens; vermis zoophytus, quem testa tegit, Limax est.

Natura & viribus cum chelis cancerorum conueniunt.

Ebur.

Elephas RAI. *Quadrup.* 123. Animal quadrupes Indiam & Zeylonam inhabitans.

Duo dentes prominentes & reflexi, in maxilla superiore Elephantis positi, Eboris nomine insigniuntur. Cuius virtus in pulvere dati est absorbens, in decocto, ob extractam gelatinam, demulcens et temperans. Ad albedinem calcinatum *Spodium* dicitur, quod fortius absorbet & adstringit, & in fluxibus alui, praemissis abstergentibus, datur.

Equi testiculus.

Equus cauda vndique setosa LINN. *Syst. Nat.* p. II. Iumentum satis notum.

In partu difficili tanquam remedium euporiston laudatur ab HEER *obs.* 14. an vere?

Leporis axungia & talus.

Lepus cauda abrupta, pupillis atris LINN. *Faun. Suec.* 19. Animal quadrupes mansuetum Europae.

Axungia ad rumpendos abscessus laudatur LVDOVIC. *Pharm.* p. 287. & ad festucas infixas extrahendas A. N. C. *vol. X. obs.* 48. Talus in puluerem redactus contra epilepsiam, difficultatem partus, calculi dolores & dysuriam valere dicitur. Antiqui etiam vesicam leporis vna cum vrina adhibuerunt, tanquam medicamentum lithonripticum, eamque antea in vase fictili lutato combusserunt: immobilem calculum in vrethra haerentem, mobilem quoque inde reddi per externam applicationem crediderunt E. N. C. *dec.* II. *an.* III. p. 160.

Lucii

Lucii mandibula.

Esox rostro plagioplateo ARTED. *Spec.* 53. Lucius.

Nil praestat, nisi quod absorbet & acrimoniam parum obtundit. Virtus specifica in pleuritide ipsi hodie denegatur. Calcinata & in pulverem redacta strumas dissolvit, pondere duorum scrupulorum saepe deuorata.

Muris alpini axungia.

Mus alpinus RAI. *Quadr.* 221. Mus cauda elongata nuda, corpore rufo LINN. *S. N.* p. 10. Marmota. Ex glirium familia.

Pinguedo ad membra contracta & partes induratas emolliendas & relaxandas adhibetur.

Perdicis plumae.

Perdix cinerea IONST. *Av.* 68. t. 27. f. 1. Tetrao macula nuda coccinea pone oculos, reatricibus ferrugineis LINN. *Faun. Succ.* 172. Avis mansueta.

Accensis plumis solent epilepticos, syncopticos, & hystericas foeminas excitare, dum eas naribus submouent.

Vulpis lingua.

Exsiccata abs Chirurgis adhibetur ad sinus vulnerum, praesertim scopeto inflictorum, ampliandos, vt extrahi commodius globi queant.

Vrsi fel & pinguedo.

Vrsus cauda abrupta LINN. *Syst. Nat.* p. 4. Fera mansueta, in Europa boreali.

Fel inspissatum commendatur in anorexia; & Lappones Lulenses membris dolentibus illud inungunt MONTIN *diff.* Pinguedo externe ad paralyfes & atrophiam artuum, & contracturas utilis est.

III. OBSOLETAE.

Album Graecum.

Est stercus canis album, quod tamquam specificum in gargarismatibus & cataplasmatibus ad anginam commendatur.

Afina sanguis.

Equus cauda extrema setosa LINN. *Faun. Succ.* 35. Afinus. Iumentum Europaeum.

Ex aqua melissae & aceto vini decoctus sanguis haud infelici successu datus est maniacis HOFFM. *Med. syst.* T. IV. P. IV. p. 218. inprimis his, qui ex morbo praegresso tales facti sunt A. N. C. vol. VIII. app. p. 1.

Carpionis lapis.

Cyprinus ROND. *Pisc.* 2. p. 150. Cyprinus cirrhis quatuor, ossiculo tertio pinnarum dorsi anique uncinatis ARTED. *Syn.* 3. Piscis cicur in piscinis Europae.

Ossiculum triangulare in capite reperibile, quod leniter demulcet & absorbet, & colicos, pleuriticos, ac a calculo excitatos dolores lenire, & epilepsiae mederi laudatur.

Cati sylvestris axungia.

Felis cauda elongata, auribus aequalibus LINN. *Syst. Nat.* p. 4. Quadrupes cicur.

Eundem usum praestat, ac ceterae pinguitudines, quas iam passim memoravi.

Ceti priapus.

Balaena vulgo dicta GESNER. *Aquat.* 114. Balaena fistula in medio capite, dorso caudam versus acuminato ARTED. *Gen.* 76. In Groenlandia reperitur; piscis ferus marinus.

Pro

Pro specifico ad impotentiam virilem & dysenteriam commendatur.

Dentaliorum testae.

Dentale laeve album, altera extremitate rufescens LIST. *Hist.* 4. f. 2. n. 2. Dentalium testa subcylindracea laeui arcuata, hinc angustiore LINN. *Mat. med. regn. an.* 62. Vermis in oceano septentrionali reperibilis.

Ob terream indolem absorbendi facultate pollut.

Gallinae tunica interior ventriculi.

Gallina domestica. Gallus cauda compressa adscendente LINN. *Faun. Succ.* 165. Auis cicur.

Purgata, & siccata, & pulverifata ad dolores nephriticos & dysuriam leniendam commendatur; micthique inuoluntario mederi dicitur.

Hippopotami dens.

Hippopotamus RAI. *Quadrup.* 123. Animal amphibium; in Nilo habitat.

Id animal dentes binos recuruos ex ore protensos gerit, quorum virtus laudatur antepileptica & ad profluvia sanguinis, inprimis ex vteri & ani venis. Partum quoque promouere dicuntur.

*Hominis axungia, corium, cranium, lac, saliuu,
sanguis, vrina.*

Axungia hominis non differt vsu a ceteris, quas passim memoraui. Ex *corio* cingula conficiuntur & lora, quibus per medium discinctae puerperae foetum feliciter eniti creduntur. Eadem ad hystericas passiones facere, non semel se expertum esse scribit BARTHOLINVS *Cent. III. obs.* 87. nisi fallacia subest: etiam in spasms manuum pedumque ex eodem corio auxilium peti *ib.* &

HIL-

HILDAN. *cent. 3. obs. 9.* In viro sexagenario epilepsiae paroxysmum sedatum esse corio, quo collum cinxerat, meminit BECCHER. *Microc. med. L. 2. c. 1.* Chirothecas inde factas ariduras & contracturas sanare, refert SCHROEDER. *Pharm. L. 5. cl. 1.* In *eranio* hominis violenta morte extincti limatione & trituratione in tenuissimum pulverem praeparato, specificum quaerunt ad epilepsiam & conuulsiones. *Lac foemellarum* ex ipsis mammis calide suctum tabidis confert, & oculis instillatum, lippitudini medetur RIEDL. *Lin. med. 1695. p. 64.* *Saliva*, praecipue ieiuni, est optimum remedium ad ardorem pustularum, quacunque corporis parte exortarum; quin earum nonnullas discutit; praecipue illis, qui gonorrhoea virulenta vexantur, bona est, vbi praecipitium inflari & suffusa aqua turgere incipit: vbi omnia remedia superat, si crebro illinatur (SCHVLZ.) *Sanguis* ex homine sano decollato haustus epilepsiae praesens remedium audit; immo sanguis ipsius epileptici e vena brachii emissus & potus inter secreta habetur AETIVS *Tetrab. 2. Serm. 2. c. 15.* aut saltem siccatus sanguis hominis sani HOFFM. *M. S. T. IV. P. III. p. 18.* Menstruo sanguine mammillae fissurae vinctae curatae fuerunt *A. N. C. vol. II. obs. 195.* *Vrina* propria epota phthifici opem sibi ferre credunt: eadem affectum hystericum & suppressionem mensium curatam lego in *A. N. C. vol. I. obs. 91.* Danos *vrinam* propriam melle subactam summo mane continuis tribus diebus assumere, & exinde tutos se ab erysipelate per vitam scire, idque popolare remedium nunquam fallere, habet BARTHOL. *cent. VI. hist. 72.* *Ophthalmiam* fotu *vrinae* curatam lego in *A. N. C. vol. I. obs. 65.* & apud SCHVLZ. & aduersus omnes mammarum affectus in puerperio, *vrinam* puerperae linteis applicatam valere *ib. vol. II. obs. 195.* *Lotionem* cum propria *vrina* indubitatum esse remedium ad tremorem, testatur FORESTVS *L. 7. obs. 5.* Vexatis utiliter eandem applicari, in vulgus notum. Multa ex

his

his remediis, imprimis sanguinis & vrinae potum, pro-
scribenda nonnulli Medici voluerunt (PAVLLI *diff. de*
medic. e C. H. desunt, merito negligendis.) neque re-
clamo, si quisquam est, qui se auersari talia, omnino
nauseosa, profitetur.

Lupi caro, dens, hepar.

Lupus ALDROV. *Quadr.* 144. Canis cauda incurua
LINN. *Syst. nat.* p. 5. Animal Europaeum.

Carnem & hepar comesta epilepsiae vterinae mederi
dicunt, & partum quoque facilitare PAVLLIN. *Lycogr.*
A. N. C. vol. I. obs. 48. Dens inter absorbentia referen-
dus: de collo puerorum ad eruptionem dentium promo-
vendam suspendi solet.

Manati lapis.

Manatus ARTED. *Synon.* 107. Trichecus LINN. *Syst.*
Nat. p. 39. Vacca marina. Animal quadrupes marinum,
& simul piscis.

Est massa admodum dura & alba, quae manato den-
tium loco data est, quarum altera palato, altera maxillae
inferiori per articulum singularem iuncta est STELLER in
Nov. Comment. Ac. Petrop. II. p. 295. Vires generales
cum dente Hippopotami vel ebore communes habet;
speciales vero, licet ipsi tribuuntur, nullas.

Os de corde cerui.

Est pars aortae prope cor in duritiem osseam mutata,
irregularis figurae, crucem tamen subinde referens, vnde
Hirschcreuz, dicitur. Virtutes a veteribus tribuuntur ana-
lepticae, antepilepticae, bezoarticae, & ad palpitatione-
nem cordis; hodie vero nullam fidem haec sententia
iauenit.

Pauonis Stercus.

Pauo cauda longa LINN. *Faun. Suec.* 163. Auis cicur Zeylonae & Indiae orientalis frequens.

Specificum remedium esse dicitur ad vertiginem, & epilepsiae etiam prodesse.

Percarum lapides.

Perca pinnis dorsalibus distinctis, secunda radiis sedecim LINN. *Faun. Suec.* 284. Piscis mansuetus fluuiatilis vulgaris.

Osliculum lentis magnitudine, album, striatum, & fere triangulare in capite piscis reperitur, cui aperitiua, diureticaque virtus tribuitur, itemque ad pleuritidem.

Rhinocerotis cornu.

Rhinoceros cornu vnico conico LINN. *Syst. Nat.* p. 11. Belua vtriusque Indiae. Cornu, quod pone nares animali nascitur, raspatione & trituratione parato, tribuitur virtus alexipharmaca & antepileptica. AMAT. LVSITANVS scrupulum scobis in oleo contra epotum arsenicum dedit, vnde vomitus & aegri restitutio *Comm. in L. I. Diosc.* p. 205. Sed haec vero potius oleo adscribenda?

Scarabaei cornu.

Taurus volans OLEAR. *Mus.* 27. t. 16. f. 5. Scarabaeus cornibus duobus mobilibus aequalibus, apice bifurcis, introrsum ramo denticulisque instructis LINN. *Faun. Suec.* 337. Insectum vulgare.

In partu difficili abs mulierculis commendatur, sine vlllo vero experimento.

Secundina humana.

Nauseosa res, licet non Sibiriacis, qui inter gulae blandimenta referunt GMELIN. *Iter.* nescio, qua fide, ad epilepsiam valde commendatur, in puluere deuoranda; nec non ad partum, & ad ipsam secundinam pellendam, at
fallaci

fallaci experimento, quum fal volatile succini iungunt
RIEDLIN. *Lin. med.* an. 1695. p. 112.

Tauri priapus.

Ad diarrhoeam & dysenteriam, tamquam obstipans
remedium, prodesse creditur, in pulvere datus ad drach-
mam dimidiam.

Taxi axungia.

Ad eadem utilis, ac ceterae pinguedines.

Vaccae urina.

Hanc recenter exceptam & loco aquarum mineralium
per mensem & ultra singulis diebus mane ad mensuram
dimidiam vel vnam potam, Galli celebrant sub nomine
Fau de mille fleurs tamquam euporiston medicamentum
in morbis cachecticis. Et talem curationem quondam
a femina Gallica non semel quoque cum felici successu
institutam refert HOFFMANN. *Med. syst.* T. IV. P. IV.
c. 13. obs. 8.

Vnicornu.

Balaena Narthal SCHONEV. *Ichth.* 28. Monodon
ARTED. *gen.* 78. Piscis praegrans in Groenlandia &
Oceano americano.

Vnicornu dens est e mandibula superiore piscis recta
horizontaliter protensus, albicans, politus, teres, elatiori
basi in acutum mucronem desinens, & spirali ductu stri-
atus. Huic adscriperunt plures olim alexipharmacam,
antispasmodicam, & antepilepticam virtutem, nostris vero
temporibus vix aliqua ei praerogatiua prae ebore & cornu
cerui conceditur. Ill. tamen WERLHOFIVS cum BARTHO-
LINO expertus est, in febribus facilioribus intermit-
tentibus haud raro fecisse satis *obs. de febr.* p. 121. not. e.

